

OBJAVLJEN DRUGI STRATEŠKI POZIV ZA PRIJAVU PROJEKTNIH PRIJEDLOGA ZA MED



Obavještavamo vas da je 01. aprila 2011. godine objavljen drugi strateški poziv za podnošenje projektnih prijedloga u okviru transnacionalnog programa Mediteran (MED).

Poziv je objavljen za Prioritet 3 MED programa: Poboljšanje mobilnosti i teritorijalne pristupačnosti (Improvement of mobility and of territorial accessibility) i to za sljedeće mjere/ciljeve:

3.1. Poboljšanje pomorske pristupačnosti i tranzitnih kapaciteta (Improvement of maritime accessibility and transit capacity);

3.2. Podrška korištenju informacionih tehnologija u cilju bolje pristupačnosti i teritorijalne saradnje (Support of the use of information technology for better accessibility and territorial cooperation).

Poziv će biti otvoren do 30. septembra 2011. godine, s tim što vodeći aplikanti (iz država članica Evropske unije) moraju podnijeti nacрте prijedloga projekata Zajedničkom tehničkom sekretarijatu MED programa (JTS) do 31. maja 2011. godine. Projektne aktivnosti kao i partneri trebaju biti u skladu sa pojedinačnim projektnim zadacima za navedene oblasti.

Prihvatljive institucije iz Bosne i Hercegovine mogu učestvovati u strateškim projektima u svojstvu partnera iz tzv. zemalja kandidata i potencijalnih kandidata (Albanija, Bosna i Hercegovina, Crna Gora i Hrvatska), te samim

tim apliciraju za sredstva IPA-e (Instrument za pretpristupnu pomoć, komponenta II - prekogranična saradnja).

Važna novost jeste da će se implementacija ovog poziva odvijati u novom sistemu upravljanja, tzv. shared management, što znači da ne postoji posebna alokacija IPA sredstava za svaku zemlju pojedinačno (što je bio slučaj u prethodnim pozivima), te će se najbolje ocijenjeni projekti finansirati iz zajedničkog fonda IPA-e. Nakon usvajanja konačne liste projekata koji će biti finansirani, partneri iz IPA zemalja će direktno potpisati ugovor sa Upravnom direkcijom MED programa (Managing Authority). IPA zemljama je, do kraja implementacije MED programa, ukupno na raspolaganju 5,4 miliona eura (alokacija IPA-e 2010-2013).

Sve dokumente vezano za drugi strateški poziv možete pronaći na zvaničnoj web-stranici programa:

<http://www.programmemed.eu/en/download-area/open-calls/2nd-call.html>.

Zbog nedovoljnog kvaliteta projektnih prijedloga podnešenih u prvom strateškom pozivu za mjeru/cilj 2.3. Prevencija pomorskih rizika i jačanje pomorske bezbjednosti (Prevention of maritime risks and strengthening of maritime safety), ponovljen je poziv za dostavljanje strateških projekata i za ovu oblast. Procedura podnošenja prijedloga projekata ukupno će trajati 3 mjeseca, do 30. juna 2011.

Ovaj poziv je također otvoren za projektne partnere/aplikante iz Bosne i Hercegovine (zbog

nedostatka sredstava u prethodnom periodu, BiH nije učestvovala u prvom strateškom pozivu programa MED). Više informacija možete pronaći na <http://www.programmemed.eu/en/download-area/open-calls/call-on-strategic-projects-obj-23.html>.

Kontakt osoba za MED program za Bosnu i Hercegovinu:

Mersiha Zuban

Direkcija za evropske integracije Bosne i Hercegovine

Sektor za koordinaciju programa pomoći EU

Adresa: Trg BiH 1, 71 000 Sarajevo, BiH

tel: + 38 7 33 703 190

faks: + 38 7 33 703 196

e-mail: mzuban@dei.gov.ba



Zone Med

IPA